



ՌՈՒՄԻՆԱՀԱՅ ԹԵՄԱԿԱՆ ԿՅԱՆՔ

Նոյեմբեր ամսի սկզբին ուսման հայ թեմի առաջնորդ Ս. Տիրայր արքեպիսկոպոս Մարտիկյանը, նոր վերադարձած Մայր Աթոռ Ս. Էջմիածնից, հրավիրեց իր մոտ Բուխարեանի հայ համալսարանական երիտասարդներին, որոնք հետևում են հայերեն լեզվի կիրակնօրյա դասընթացներին: Այս առթիվ սրբազան հայրը փոխանցեց երիտասարդներին Վեհափառ Հայրապետի օրհնությունը և գոհունակությունը կատարված աշխատանքների համար և նախագծեց ուսումնական և կազմակերպչական նորանոր ծրագրեր, առաջարկելով նաև այցելություն-ուխտագնացություն դեպի Մայր Աթոռ Ս. Էջմիածին, դեպի հայրենիք: Նույնպես առաջնորդ սրբազան հոր հովանավորությամբ վերստին սկսվեցին հայերեն լեզվի դասընթացները և մշակութային, գրական, երաժշտական հանդիպումներ և ելույթներ առաջնորդարանի սրահում:

*
* *

Հաջողությամբ շարունակվում է նաև «Կարապետ Իպրրիլեանու» խմբակի գործունեությունը:

— Հոկտեմբերի 20-ին Բուխարեանի համալսարանի դասախոս Սիլվիա Մաթոսյան-Պուրտեա բանաստեղծ փեմնայի Ազգային գրադարանում գտնվող հայ մշակույթի գանձերի մասին: Տեղի ունեցավ պաշտերի ցուցադրում, իսկ ավարտին ուսման օպերայի մեներգիչներ Քորնելիա Անճեղեկու, Մարինա Միրեա, Փոմիլե Հրրըշյան և Լուսուփի Շփիս կատարեցին Շուպերթի, Մոցարտի և Իոհան Շթրաուսի լիտեր և ա-րիաներ:

— Նոյեմբերի 3-ի ելույթը նվիրված էր հայ բանաստեղծության և արվեստին, որոնց ընթացքում ընթերցվել էին հատվածներ հայ անվանի բանաստեղծների և գրողների գործերից:

— Հաջորդ հանդիպումը վարեց ճարտարապետ Խաչիկ Թազվորյանը ներկայացնելով հայ արվեստի և ճարտարապետության ազդեցությունները ուսման ժողովրդի մշակութային կյանքում, կանգ առնելով Քուրթեա տե Արնեշ միջնադարյան վանքի վրա: Նույն հանդիպման ժամանակ Այիս համալսարանը արտասանեց Վարպետ Մանուելի-ն նվիրված ժողովրդական բանաստեղծությունը, իսկ Արամ Տեր-Գրիգորյանը կարդաց ուսման թարգմանությամբ «Սահակ թրոշունը» հայկական պատմվածքը:

*
* *

Նոյեմբեր ամսի 8-ին մեծ շուքով, Ս. Տիրայր արքեպ. Մարտիկյանի նախագահությամբ, տոնախմբվեց Բուխարեանի առաջնորդանիստ եկեղեցու անվանակոչության օրը և մայրաքաղաքում կառուցված նախկին հայկական եկեղեցու 200-ամյակը: Ս. պատարագի ընթացքին առաջնորդ սրբազան հայրը ընթերցեց Վեհափառ Հայրապետի շնորհավորական հետևյալ հեռագիրը.

«Աստուծո ողորմությամբ լրանում են երկու հարյուր տարիները մայրաքաղաքի Սուրբ Հրեշտակապետաց եկեղեցվո հիմնադրության և հիսուն տարիները տիրախնամ թեմի պետական ճանաչման: Այս երջանիկ առիթով ձեզ և համայն մեր հավատացյալ զավակներին առաքում ենք Մեր օրհնությունը և բարի մաղթանքը, որ Աստ-

ված անասան պահի ձեր տիրախնամ թեմը իր եկեղեցիներով և միշտ օգնական պահապան մնա հավատացյալ ժողովուրդին: Մնում ենք հաս տևապես աղոթող ռումեն հայրենիքի և ռումեն ազնիվ ժողովուրդի բարօրության և ծաղկումին համար, խաղաղության մեջ:

Ռոջ լերուք գորացյալ Սուրբ Հոգով:

Այնուհետև սրբազանը հանդես եկավ գեղեցիկ և հուզիչ քարոզով: Ս. պատարագի ավարտին կատարվեց մատաղօրհնություն, իսկ հետո բոլոր հրավիրյալ հյուրերը, որոնք եկել էին Ռումինո հայաշատ քաղաքներից և արտասահմանից, մասնակցեցին մատաղի սիրո սեղանին: Առաջնորդ սրբազան հայրը առաջարկեց բաժակ բարձրացնել Վեհափառ Հայրապետի երջանկության և արևշատության կենացը:

Սույն օրերին տեղի ունեցավ Բուխարեստում ժողովրդավարության և Սոցիալիստական Միասնության Ճակատի Գործադիր Կոմիտեի նիստը, որի անդամ է թեմիս առաջնորդ Ս. Տիրայր արքեպ. Մարտիկյանը: Նիստի ներկաները կազմեցին խաղաղության և զինաթափման նվիրված մի կոչ, բոլոր ժողովուրդներին ուղղված: Որպես արձագանք Ս. Տիրայր արքեպ. Մարտիկյանը հրավիրեց Ռումինո հայ գաղութի բոլոր ներկայացուցիչներին կազմելու համար մի հեռագիր ուղղված Ռումեն պետության նախագահին: Հեռագրում արտահայտվում է հայ ժողովրդի խաղաղասիրական տենչը և երախտագիտությունը հյուրընկալ ռումեն ժողովրդի հանդեպ:

Նոյեմբերի 24-ին տոնախմբվեց Բուխարեստի հոգևոր ճեմարանի 100-ամյակը: Այս առթիվ Աստվածաբանական համալսարանը շնորհեց աշխարհի բարձրաստիճան եկեղեցական մտավորականներին «Տոթթոր Հոնորիս Քաուզա» հինգ տիտղոսներ, առաջինը՝ Ամենայն Հայոց կաթողիկոս Ս. Ս. Վազգեն Ա-ին: Հրավիրագրի ուղացման պատճառով սույն/ հանդիսությունը կատարվելու է մի հարմար առիթով:

Նոյեմբերի 25—26-ին գումարվեց նույն Աստվածաբանական համալսարանում Ռումինո բոլոր կրոններու ներկայացուցիչների խաղաղության նվիրված ժողովը՝ նախագահությամբ Նորին Սրբություն Ս. Հուստին Մոյսեսքու Պատրիարքի: Հայ եկեղեցին ներկայացված էր չորս հոգևորականներով՝ գլխավորությամբ Ս. Տիրայր արքեպ. Մարտիկյանի, որին ուղեկցում էին Ս. Զարեհ ծ. վրդ. Պարոնյանը, Ս. Արամալիս արք. Շլուկյանը և Սոֆիայից այս աթոթիվ հրավիրված Ս. Մեսրոպ քնն. Պենկիյանը: Սույն ժողովին Ռումինո հայ հավատացյալների և հոգևորականների անունից խոսք առավ Ս. Տիրայր արքեպ. Մարտիկյանը:

Խորհրդային Հայաստանի 61-րդ տարեդարձի առթիվ առաջնորդարանի արահում կազմակերպվեց ընդունելություն՝ նախագահությամբ Ս. Տիրայր արքեպ. Մարտիկյանի:

ԱՐԱՄԱՅԻՍ ԱԲԵՂԱ ՇԼՈՒԿՅԱՆ

